

ہندستان

حرکت اسلامیہ سی

ہونڈن اولکی نسخہ مزدہ ہندستانک (فالکوتہ) شہرندہ انتشار ایتکدہ اولان عربچہ (الجامعہ) رفیقمرکز ہندستان حرکت اسلامیہ سی حقندہ یازدینی ایلک مقالہ بی درج ایتشدک (الجامعہ) نک ایکنجی نسخہ سندن ایکنجی مقالہ سنی دہ بروجہ آتی ترجمہ ایدیورز :

«ہلال» ک دعوتی دین و سیاست نامہ وقوع بولویوردی . بر طرفدن بدعتلر ومحدثات اعتقادیہ وعملیہ ایلہ مجادلہ ایدرک ادلہ وبراہین عقلیہ ایلہ طوتومغہ دعوت، اجتہاد ونظر قابولرینک آجیلہ سنہ ، خالص مسلمانلغہ اتباع اولونماسنہ ، کتاب وسنتک احیاسنہ دلالت ایدیورزی . دیگر طرفدن سیاست وادیسندہ (ہلال) حریت واستقلال نامہ دعوت ایدیورزی .

ہلالک دعوت دینیہ سی سیاسی دہ شامل ایدی . بورادہ دین ایلہ سیاسی تفرق ایتکلکیمز آنجق اعتیاد سائقلہ وقوع بولمقدہ در . یوقسہ (ہلال) ک دعوتی تمامیلہ دینی بر دعوت ایدی . حریت ملیہ کی ، اسارتی ازالہ کی ، استبدادی استیصال ، مساواتی تأسیس کی اساسات ، اساسات صحیحہ اسلامیہ خارچندہ بولونمق شویلہ طورسون ، بالعکس مقاصد اساسیہ اسلامیہ دندر . (ہلال) ک شعاری «مسلمانلغہ اسارتک ، ایستراسارت بدنیہ ، ایستراسارت فکریہ اولسون، برارہدہ یاشامیہ جفی» در . عقائد اسلامیہ نک اساسی توحید اولدیغندن توحیدک مقتضاسی انسانک آنجق جناب حقہ قوللق ایتہسیدر . سائر مخلوقات ایسہ آنجق کندی کی انساندر . اولنرہ قوللق ایدہ مز . قرآن کریمک «توحید» حقندہ کی تبلیغاتک خلاصہ سی موحد اولان انسانک فکرآ وبدناً حز ومستقل اولماسیدر . مشرک ایسہ عبودیت فکریہ ونادیہ نک زنجیرلرینہ باغلیدر . «ہلال» طرفدن اجرا اولونان دعوتک محوری قرآن عظیم الشان ایدی . ہرہانکی مسئلہ علمیہ ویا حکمت فلسفیہ بی کتاب میندن استخراج ایدیورزی .

بنام علیہ (ہلال) ک صحیفہ لری آیات کریمہ واحادیث شریفہ ایلہ طولودر . قارئلر بولری ازبرلر ، بولرلہ استشہاد ایدرلردی . ہندستانک بوتون محافل علمیہ سی (ہلال) ک قرآن کریمی اکلامق ایچون یکی بردور آچدیغنی و کتاب الہی اکلامہ من او قومغہ برخاتمہ چکدیکنی قبول ایدیورلردی .

(ہلال) قرآن کریمی تتبع واحتوا ایتدیکی حقائق ، اساسات اجتماعیہ وحکمیہ بی استنباط واستخراج خصوصندہ یکی وجاذب براشلوب ایجاد ایتشدہ کہ بوسایہدہ دعوتی سرعتلہ موفقیات احراز ایلشدہ . ہونڈن باشقہ (ہلال) علوم قرآنی تتبع وکشف ایچون یکی برطاقم مقدمات واصول وضع ایتمش ، نظریات فلسفیہ وعلوم عصریہدن

تولد ایدن شہرلری الک قوتلی براہین ایلہ مغلوب ایلہ مشدر . (ہلال) وحی الہینک یقین، برہان ، بصیرت، علم وعرفان اولدیغنی ، منکرلر طرفدن طوتولان بولک ظن ، ریب ، شک ، تخمین و جہالت بولی اولدیغنی ایضاح ایلشدہ . (حیات) مسئلہ سنک آنجق قرآن کریم طرفدن حل اولوندیغنی بیان ایتشدہ . بالنتیجہ (ہلال) ک دعوتی آز برزماندہ بوتون ہندستاندہدہ تعمم ایتمش ، مسلمانلقدن اوزاقلاشان ، مسلمانلنی سومیہن منور کنجلیکی دہ جذبہ موفق اولشدہ .

کرچہ صوک زمانلردہ یکی بر علم کلامک ، عصر حاضرہ مناسب برتفسیرک لزومہ دائر بعضی سسلریوکسلمش ، فقط برشی باپیلامامشدی . چونکہ بوباغرائلر علوم عصریہدن ومدنیت غریبیہدن جوق اورکشلر ، جسارت وجلادتلرینی ضایع ایلشلردی . بولر آیات کریمیہ بی برطاقم تأویلات واهیہیہ اویدورمغہ باقیورلر وطریق اعتزالہ صایورلردی . مع مافیہ زمانک بوطائفہ معتزلہ سی اسکی معتزلہدن یک کریدہ درلر . چونکہ اسکی معتزلہ نک تأویلاتی لسان عربک ایجاباتندن خارچہ چیقما بوردی . حال بوکہ بویکلرک تأویلاتی برطاقم تحریفاندن باشقہ برشی دکلدی . بولرک بریسی (علیکرہ) کایہ اسلامیہ سنک مؤسسی (سید احمدخان) در . فقط (ہلال) ک مسلکی بولرک مسلکی دکلدی . (ہلال) ، قرآن کریمک کافہ علوم بشریہ ونظریات جدیدہ فلسفیہ حاکم اولدیغنی ، علوم بشریہ ایلہ نظریات فلسفیہ نک حق وباطلہ محک ومیزان اولہمیہ جفی ، چونکہ یکدیگرینی ناقض اولدیغنی وبالذات ثبوتہ محتاج بولوندیغنی ، بولرک مباحث دینیہ کیرہمیہ چکنی ، چونکہ اصطلاح شرعیسیلہ (رأی) اولدیغنی بیان ایدیور وکافہ اصول وفروعہ مذهب سلفہ دعوتلہ بولرک حق وعلم وحکمت صحیحہ مطابق اولدیغنی ایضاح ایدرک علوم سماویہ ایلہ نظریات فلسفیہ ارہ سندنہ کی مجادلہ نک قرآن کریمک غالبیتلہ ختام بولاجفی اعلان ایدیورزی .

(ہلال) ک بین العلماء رواجہ سبب دعوت واقعہ سنک کندیلرینہ یابانچی کلامسیدر . کرچہ ہلالک تقلیدہ قارشو وقوع بولان شدتلی هجومی واجتہاد قابوسنک اچیلماسنہ دلالت ایتہمی جمود وتقلید طرفدارانہ اغیر کلیدیکی کی احیای سنت وازالہ بدعت ایچون وقوع بولان دعوتی متصوفہ واصحاب طریقہدہ رنجیدہ ایتمش ایدی . فقط (ہلال) ک مجاہدہ ثباتکارانہ سی علما ومشائخی دہ تسخیر ایتمش وا کثرتی دہ اوکا التحاق ایتشدہ . آچیقہدہ قالانلرک ایسہ مملکتندہ شایان دقت برنفوذلری اولمادیغنی کی ہیچ براہیتلری دہ یوقدر .

الحاصل (ہلال) ک دعوتی استقلال سیاسی ایلہ تجدد دینی شاملدی . شیمدی بودعوتک اساساتی قید ایدہلم :

۱ - جناب حق مسلمانلرک مقصد ملیسنی اشبو آیت کریمہ ایلہ

بیان بویورمشدر . (و كذلك جعلناكم امة وسطا و لتكونوا شهداء على الناس) مسلمانلر بوتون بشریته قارشى حق و سعادتك شاهدلریدر . بوتون انسانلری هدایتیه ایصال ایچون ، هیسنى سعادتیه اولاشدیرمق ایچون توسط ایدرلر . « شهادت » مسلمانلرک ملی ، اجتماعى غایه سیدر . بوندن طولاییدرکه مسلمانلر (خیرالام) و (خیرالبریه) در . وینه بوندن طولاییدرکه یریوزنده استخلاف اولونمشلر . حیات دنیاده بر ملتک ارتقا ایدیه بیلجکی اک یوکسک مقام بودرکه مسلمانلرک ملی غایه سى بوندن باشقه برشى دکدر .

۲ — ایستر اجنیلرک اسیری ، ایستر ملتک ایچندن تورهین غاصبرک اسیری اولق مسلمانلقله قابل تألیف دکدر . حریت اوغورنده چالیشمق ، استقلال اوغورنده بوتون مصائبه کوکس کرمک ، مجادله ایتمک مسلمانلرک وظیفه ملیه سیدر . مسلمانلر یاسربست یاشارلر ، یاخود شرفله اولورلر . مسلمانلقده بوتونک اورتیه سى یوقدر . چونکه مسلمانلق مسلمان اولان حکامک استبدادینى تجویز ایتمزسه ناصل اولورده اجنیلرک استبدادینه راضی اولمالرینى تجویز ایدر ؟ ذلت و عبودیتیه انقیاد ایدنلر هیچ شه سز نماز قیلمده ، اوروج طوطسده ، مسلمان اولدیغنى ادعا ایتمده حیات اسلامیه دن محرومدر .

۳ — هندستان مسلمانلرینک ایکی وظیفه سى واردن : برنجیسی اسلامى ، عمومیدر . ایکنجیسی ملیدر ، مملکتلرینه خاصدر . برنجیسی هندستان مسلمانلرینک مملکتلرینک حدودینه حصر نظرایتمیه رک بوتون دنیایه باقه لرینى ایجاب ایدر . چونکه اسلام رابطه سى ملیت ، مملکت حدودندن وارسته جهانشمول براخوتدر . برمسلمان دنیانک هر هانکی طرفنده مقیم اولورسه اولسون اخوت عمومیه اسلامیه نک برعضویدر . مسلمانلر ملیت و مملکت قیدلرندن متجرد مجتمع بر هیئت بشریه اولارق تجلی ایتمه لرینى تأمین ایدیه جک تشکیلاتى وجوده کتیرمزلسه صرف ملیت و مملکت اساسنه ابتدا ایدیه جک فعالیتلری بر فائده ویرمز . بناء علیه (جامعه اسلامیه) حرکتنى تقویه ایدرک ملی ، اجتماعى وظیفه لرینى ایفا ایتمه لری ، (شهداء على الناس) اولمه لری لازم کلیرکه قرآن کریمک امریه بودر .

بوندن باشقه مسلمانلرک وظیفه وطنیه لرینى ده ایفا ایتمه لری واجبدر . اوده هندستانى اسارتدن قورتارده رق استقلالنى قازانمق و بوتونک ایچونده ، هندستانک سائر اقوامیه ، بت پرستلره ، خریستیانلره ، مجوسیلره اتحاد ایتمه لری لازم کلیر . بالخاصه مسلمان اولمالری حیثیتیه حریت یولنده باشقه لرینه نمونه امثال تشکیل ایدیه جک مجاهدات جانسپارانه ده بولونمالری اقتضا ایدر . دین اسلام ، مسلمانلقه محارب اولمایانلره اتحاد علیه دار دکدر . صلح ، اتحاد ، مساوات و اخوت انسانیه مسلمانلقک تعالیم اساسیه سندندر . هندستانده مسلمانلرک وطنداشلر یله

اتحاد ایتمه لری منافع وطنیه ایجابیدر . فقط هندستانى اسیر ایدن اجنیلرله اتحاد امکان یوقدر . چونکه اسلام بوکا مانعدر . قرآن کریم دیرکه : (لاینهاکم الله عن الذین لم یقتلواکم فی الدین ولم یخرجوکم من دیارکم ان تبروهم و تقسطوا الیهم ، ان الله یحب المقسطین ، انما ینهاکم الله عن الذین قاتلوکم فی الدین و اخرجوکم من دیارکم و ظاهروا علی اخراجکم ان تولوهم و من یتولهم فأولئک هم الظالمون ،

۴ — اوروپانک احتراصاتى بالکمز مسلمانلنى و مسلمانلری دکل ، بوتون آسیانک حریتى ، بوتون شرقک حریتى تهدید ایتمکده ، دنیانک امن و اماننى چیکنه مکده ، بشرک راحت و حضورینى سلب ایلمکده در . بناء علیه شرقک غریبه قارشى برلشمه سى و حیات مستقله سنک محافظه سیه غیرت ایتمه سى لازمدر .

۵ — تورکیا ، اسلام دولترینک صوکیدر . دنیاده کی بوتون مسلمانلرک اونک قاسنه خادم اولمالری ، موجودیتى مدافعه ایتمه لری ، اونک حیاتی کندى منافع خصوصیه لرینه ترجیح ایتمه لری لازمدر . چونکه تورکیا اصل ، سائر مسلمانلر فرعدر . اصل قورتولمازسه فرع یاشایماز .

۶ — عربجه بوتون یریوزنده کی مسلمانلرک لسان ملیسى ، واسطه تعارف و اتحادیدر . بناء علیه هندستان مسلمانلری عربجه به چوق اهمیت ویرملیدرلر .

حبشستان احوالى

سیاح شهر شیخ توفیق افندی حضرت نبره ملاقات

برچوق سنه لر حبشستانده بولونه رق اورانک احواله یاقیندن وقوف حاصل ایدن سیاح شهر شیخ توفیق افندی حضرتلری ایله انفرده کوروشدک . حبشستان احوالى حقنده بزه فائده لی معلومات ویردیلر . اوزون اوزادی به کوروشوب نوط المیه وقت اولمادی . یاقینده کندیسده استانبوله کله جکلرینى ، حبشستانه دائر مفصل معلومات ویره جکلرینى وعد ایتدیلر .

شیخ توفیق افندی حضرتلرینى طائیانیلر کندیسک نه محترم ، نه مقتدر بر اسلام مبشرى اولدیغنى پک کوزل بیلیرلر . ینده ، عسیرده اجرای سیاحت ایدرک رؤسای اسلام اره سیده تأمین وحدت خصوصنده بویوک خدمتله انفا سیه موفق اولان مشارالیه ، حرب عمومیدن برسنه اول حبشستانه کچور . اوراده بر مدت کنایحلقله مشغول اولیور ؛ صوکره حبشستان سفیریمز مظهر بکله توحید مساعی ایدرک حرب عمومى زماننده اورالرده مهم ایشلر کوریورلر ؛ مظهر بکک وفاتی